

Arkiv: <arkivID><jplD> FA-G01, FA-G03
JournalpostID:
Sakshandsamar:
Dato: 14.09.2021

Saksframlegg

Saksnr.	Uttal	Møtedato
111/21	Alver kommunestyre	16.09.2021

Forskrift om fritak for smittekarantene, Alver kommune, Vestland
Rådmannen sitt framlegg til vedtak:

1. Alver kommunestyre vedtek forskrift om fritak for smittekarantene, gjeldande frå 17.9.21
2. Rådmannen i Alver kommune får fullmakt til å oppheve forskrifta

Alver kommunestyre 16.09.2021:

Handsaming:

Rådmannen sitt framlegg vart samrøystes vedteke.

KO- 111/21 Vedtak:

1. Alver kommunestyre vedtek forskrift om fritak for smittekarantene, gjeldande frå 17.9.21
2. Rådmannen i Alver kommune får fullmakt til å oppheve forskrifta

Politisk handsaming

Saka skal avgjerast i kommunestyret

Saksopplysninger:

Framlegg til forskrift:

Forskrift om fritak for smittekarantene, Alver kommune, Vestland

§ 1. Formål og verkeområde

Formålet med forskrifta er at unge skal ha ein mest mogeleg normal kvardag med skuletilbod samtidig som det er etablert smittevern faglege tiltak for hindre eller avgrense spreiding av covid-19. Forskrifta gjeld for elevar ved vidaregåande skule i Alver kommune.

§ 2. Fritak for smittekarantene

Smittekarantene i henhold til covid-19-forskriften § 4 første ledd bokstav b gjeld ikkje for elever over 18 år i

vidaregåande skule i Alver kommune når dei ikkje er husstandsmedlemmar eller tilsvarande nære kontaktar til smitta person, dersom dei gjennomfører testing i samsvar med retningslinjer frå kommunen. Dette fritaket frå smittekarantene gjeld ikkje helsefagelevar som er i praksis i helse- og omsorgstenestene.

Dersom testing ikkje lar seg gjere, må heile karanteneperioden gjennomførast.

Personar som utviklar symptom på covid-19 skal gå i isolasjon. Reglane i covid-19-forskriftens § 5 sjuande ledd første punktum, og § 7 andre ledd gjeld.

§ 3. Iverksetjing og varigheit

Forskrifta blir sett i verk 17.9.21

Vurdering:

For å sikre at kvardagen er mest mogeleg normal for ungdommane, og å unngå at det er forskjellige reglar gjeldande for elevar i same klasse, gjer rådmannen framlegg om å innføre lokal forskrift som tar sikte på å støtte dette målet.

Alver kommune har utarbeidd retningslinjer for testing i staden for karantene. Elevar ved Knarvik vidaregåande skule kan teste seg ved skulen, heime, eller ved Alver kommune sitt koronaseter.